

Zbirka medijskih objava

VladaBrckoDistrikta_kliping_dnevno,
za razdoblje 8. 1. 2022

Broj objava: 5

Internet: 1

Štampa: 4

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 5

Brčko:

Internet	Naslov	U FBiH 1.043 osobe pozitivne na koronavirus, 12 smrtnih slučajeva		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 7. 1. 2022		
	Autor	B. R.		
	Teme	Brčko		

Štampa	Naslov	Sve više zaraženih, brinu upale pluća kod djece		
Serijski br. 2	Medij; Doseg	Večernji list; 141.611, Bosna i Hercegovina	Stranica: 4	Površina: 507 cm ²
	Rubrika, Datum	Aktualno; 8. 1. 2022		
	Autor	Vidačak Ljiljana		
	Teme	Brčko		

Štampa	Naslov	BiH nedostaje vozača, građevinskih radnika, laiara, farmaceuta...		
Serijski br. 3	Medij; Doseg	Večernji list; 141.611, Bosna i Hercegovina	Stranica: 6	Površina: 351 cm ²
	Rubrika, Datum	Aktualno; 8. 1. 2022		
	Autor	Abramušić Valentina		
	Teme	Brčko		

Štampa	Naslov	DOGODILO SE		
Serijski br. 4	Medij; Doseg	Dnevni avaz; 50.000, Bosna i Hercegovina	Stranica: 37	Površina: 89 cm ²
	Rubrika, Datum	Svezadar; 8. 1. 2022		
	Autor	Unknown		
	Teme	Brčko		

Štampa	Naslov	U bolnicama očekuju više teško Covid oboljelih		
Serijski br. 5	Medij; Doseg	Oslobođenje; , Bosna i Hercegovina	Stranica: 6	Površina: 358 cm ²
	Rubrika, Datum	Događaji; 8. 1. 2022		
	Autor	Babić Merima		
	Teme	Brčko		



U FBiH 1.043 osobe pozitivne na koronavirus, 12 smrtnih slučajeva

Podaci o epidemiološkoj situaciji u posljednja 24 sata objavljeni su u Federaciji Bosne i Hercegovine, ali ne i u Republici Srpskoj i **Brčko** distriktu, zbog toga što je povodom Božića u ovim dijelovima Bosne i Hercegovine neradni dan.

U Federaciji Bosne i Hercegovine registrovane su 1.043 osobe pozitivne na koronavirus, od 4.200 obrađenih testova. Preminulo je 12 osoba.

Do sada je registrovano 192.759 osoba koje su bile pozitivne na koronavirus, od 1.068.572 obrađena testa.

Ukupno je preminula 7.571 osoba, podaci su Zavoda za javno zdravstvo Federacije Bosne i Hercegovine.

Poređenja radi, jučer je u Federaciji registrovano 1.448 osoba pozitivnih na koronavirus, od 4.686 obrađenih testova. Preminulo je 12 osoba.



VIŠE OD POLOVINE TESTIRANIH U ZHŽ-U POZITIVNO NA KORONAVIRUS

Sve više zaraženih, brinu upale pluća kod djece

Ljiljana Vidačak

Broj zaraženih koronavirusom u BiH raste. S obzirom na to da ne vidimo društvenu ni individualnu spremnost na primjenu epidemioloških mjera, ne možemo očekivati da će doći do usporavanja pandemije. Podaci o epidemiološkoj situaciji objavljeni su u FBiH i Distriktu Brčko, ali ne i u RS-u jer je zbog Božića u tom entitetu neradni dan. U FBiH su u razdoblju od 24 sata registrirane 1043 osobe pozitivne na koronavirus od 4200 testiranih, a od posljedica COVID-19 preminulo je 12 pacijenata. U Distriktu Brčko registrirano je 113 pozitivnih osoba među 289 obradenih testova. Preminule su dvije osobe.

Odluka o nastavi

Zabrinjavajući su podaci koje je objavio Zavod za javno zdravstvo Zapadnohercegovačke županije. Naime, u toj županiji u razdoblju od 24 sata testirana je 231 osoba, među kojima su dvije osobe retestirane. Od tog broja, 134 osobe bile su pozitivne, što znači da je 60 posto testiranih pozitivno. Zbog velikog broja oboljelih od gripe ili oboljenja prouzročenih koronavirusom, Dom zdravlja Grude morao je reorganizirati rad. - Bili smo prisiljeni zatvoriti područne ambulante obiteljske medicine te sve ljudske resurse koncentrirati u matičnoj ustanovi Doma zdravlja. Zbog pogoršanja zdravstvenog stanja među pučanstvom, liječnici i ostali medicinski djelatnici pod velikim opterećenjem obavljaju svoj posao uz veliku osobnu izloženost navedenim oboljelim i samooboljelim. Stoga se pacijenti mole za strpljenje te ih pozivamo na odgovorno ponašanje, kako prema osobnom zdravlju tako i prema zdravlju zajednice - naveli su. Unatoč lošoj epidemiološkoj situaciji, drugo polugodište u osnovnim školama u ZHŽ-u započet će kako je i planirano - u ponedjeljak, 10. siječnja, potvrdila je za Radio Grude ministrica obrazovanja, znanosti, kulture i sporta Ružica Mikulić. Dodala je kako je s nastavnicima pro-



vela anketu i iznenadili su se pozitivno što je većina djece zdrava, vrlo malo ih je u izolaciji ili pozitivnih. Međutim, kriznim stožerima škola ostavljena je mogućnost odluku donositi sukladno epidemiološkoj situaciji u svojoj školi. Nastava je za sedam dana odgođena u HBŽ-u, dok je u HNŽ-u, poput ZHŽ-a, odluka o promjeni modela izvođenja nastave prepuštena školama. Ministarstvo prosvjete, znanosti, kulture i sporta HNŽ-a, u dogovoru s aktivima ravnatelja osnovnih i srednjih škola HNŽ-a, preporučilo je da operativni timovi škola, shodno epidemiološkoj situaciji u odgojno-obrazovnoj ustanovi i općini, trebaju postupiti sukladno instrukciji Ministarstva od 3. rujna 2021., vodeći računa o

kalendaru rada i preporuci Kriznog stožera Ministarstva zdravstva, rada i socijalne skrbi HNŽ-a od 6. siječnja 2022.

Oboljela djeca

Uz soj omikron, u BiH je registriran i lambda soj, a tu je i flurona. Među oboljelima je sve više djece. - Tijekom jedne noći znamo imati 70 djece u Hitnoj pomoći, sve su to febrilna stanja i nerijetko se javljaju upale pluća, koje uzrokuju da je dijete u teškom stanju s teškom kliničkom slikom - rekla nam je Jasna Musić Huseinbegović iz Hitne pomoći SZ-a. Sve je više djece i u Općoj bolnici. Trenutačno je dvoje hospitalizirano zbog COVID-19. - U posljednje vrijeme djeca, kao dvoje koje je

Škole na području ZHŽ-a i HNŽ-a same odlučuju o odvijanju nastave, u HBŽ-u nastava odgođena do 17. siječnja

Samo je SZ u BiH donio određene restriktivne mjere te je za neke kategorije obvezno cijepljenje

ovdje hospitalizirano, imaju obostranu upalu pluća, jedno dojenče ima bronhijalitis, to su atipične upale pluća koje su verifikirane rentgenski i koje potvrđuju da je riječ o COVID infekciji. Obično tri-četiri tjedna nakon preboljenog COVID-a zna se dogoditi da dijete dobije visoku temperaturu, da ima povišene parametre upale, da se mogu javiti promjene na koži, očima - kaže dr. Jasmina Šlaku, šefica Pedijatrije u Općoj bolnici "Prim. dr. Abdulah Nakaš". - Moramo biti svjesni da smo već od rujna u četvrtom valu pandemije, a trenutačno se taj val pogoršava, što sigurno korelira s pojavom novih genetičkih varijanti virusa. Sigurno je da i omikron doprinosi da se sada, nakon blagdana, kada ljudi borave puno više u manjim prostorijama i zajedno, ne pridržavaju preporučenih mjera. To je plodno tlo za širenje virusa, odnosno za širenje ove bolesti - kazao je ravnatelj Zavoda za javno zdravstvo FBiH dr. Siniša Skočibušić. Na pitanje može li se ponoviti scenarij od prošle godine, navodi da je teško dati precizne podatke. - Ono što sada na početku ovog pogoršanja bilježimo jest visoki broj pozitivnih testova od velikog broja ukupno testiranih građana, što govori da je virus jako rasprostranjen među nama. Ako mi nešto ne poduzmemo, pandemija se može samo širiti - upozorava dr. Skočibušić.



BiH planira uvoz 1360 stranih radnika raznih profila, u FBiH 670, RS 600 i Distrikt Brčko 90

BiH nedostaje vozača, građevinskih radnika, kuhara, farmaceuta...

**Valentina
Abramušić**

Potražnja za radnom snagom i u Bosni i Hercegovini sve je intenzivnija. Trend odlaska radnika u zemlje sa svjetlijom budućnosti nije zaobišao ni BiH, koja od zemlje s visokom stopom nezaposlenosti postaje ona koja bi u budućnosti mogla uvoziti radnu snagu. Kako su pokazala ranija istraživanja portala mojposao.ba, najtraženija zanimanja za kojima su tragali poslodavci tijekom pandemijske godine bili su operateri u pozivnim centrima, vozači, građevinski radnici, no sudeći prema objavljenim oglasima, ta zanimanja mogla bi biti tražena i u ovoj godini.

Deficitarna zanimanja

Kako bi se na neki način situacija stabilizirala kada je u pitanju radna snaga, u ovoj godini u BiH se planira uvoz 1360 stranih radnika raznih profila, kao što su vočari, stočari, peradari, krojači, šivači, pekari, slastičari, tesari, zidari i moleri, vozači u međunarodnom prometu itd. Ukupna godišnja kvota radnih dozvola za produženje i novo zapošljavanje stranaca u BiH u 2022. godini iznosi 1360 - od čega se na FBiH odnosi 670, Republiku Srpsku 600 i Distrikt Brčko 90. U prijedlogu odluke o utvrđivanju godišnje kvote radnih dozvola za zapošljavanje stranaca u BiH za 2022. godinu, koji je u formi konzultacija, precizirano je da je planirano produženje 740 već izdanih radnih dozvola, a u planu je i izdavanje dodatnih 620 za novo zapošljavanje. Kada je u pitanju novo zapošljavanje stranaca u 2022. godini, iskazana je potreba i za profilima kao što su rukovoditelj teškim građevinskim mašinama,

elektroničar, industrijski tehničar, strojar, strojni tehničar, metalostrugar, mesarski tehnolog, elektromehaničar, strojobravar te tehnolog. Na popisu traženih zanimanja nalaze se i tesari, zidari, moleri, fasaderi i armirači.

Uz navedena, tu su i zanimanja kao što su komercijalist, trgovac, hotelski recepcionar, poslovođa, kuhar nacionalne kuhinje, konoobar, turistički vodič, programer, a iskazana je potreba i za nastavnicima deficitarnih zanimanja te farmaceuta. Kako je nedavno za Glas Srpske istaknuo Saša Trivić,

predsjednik Udruge poslodavaca RS-a, sve traženiji su zanati, ali i poslovi koji traže veći stupanj znanja i iskustva. Kako je rekao, u metalnoj industriji plaće su dobre te sve više rastu. - Plaće u metalnoj industriji sve više rastu i dobro je da je tako jer svakim rastom plaća u bilo kojem sektoru i mladim ljudima šaljemo poruku da vrijedi učiti te da se od znanja može dobro živjeti - kazao je Trivić. Ističe kako u današnje vrijeme nije lako naći ni kvalitetnog menadžera, zbog čega i jesu njihovi poslovi najplaćeniji. - Sva radna mjesta za koja je potrebno veliko znanje, trebaju biti dobro plaćena i ona su sve više na cijeni - zaključio je Trivić. Da radne snage svih profila u BiH nedostaje, trebalo bi biti na umu i mladima koji bi u ovoj godini trebali donijeti odluku kojim poslom se žele baviti.

Najplaćeniji i traženi

A kako bismo mladima barem na neki način olakšali, istražili smo koji poslovi su u BiH trenutno najplaćeniji, ali i kojima se zarađuje minimalna plaća. Viši menadžer posao je u kojem se mjesečno zarađuje 3863 KM, pokazali su to podaci portala plata.ba, čije je istraživanje obuhvatilo visine prosječnih plaća nekoliko stotina radnih mjesta diljem BiH. Po visini plaće slijede ih viši menadžeri čija mjesečna plaća iznosi 3814 KM. Lizing direktori zarađuju 3377 KM dok IT direktori zarađuju 3240 KM, prema podacima navedenoga portala. Zanimanje koje je zauzelo peto mjesto na popisu najplaćenijih zanimanja je direktor sektora u bankarstvu, a svima koji obavljaju ovaj posao mjesečno na račun "legne" 3134 KM. Dok se s navedenim zanimanjima itekako dobro zarađuje, imamo i ona u kojima mjesečna zarada iznosi između 600 i 700 KM, a to su šivači, čistači, portiri, radnici u osiguranju... ●



Iskazana je potreba i za profilima kao što su rukovoditelj teškim građevinskim strojevima, elektroničar...



DOGODILO SE

1297. - Italijanski plemić Frančeski-
no Grimaldi (Franceschino) usposta-
vio je u Monaku dinastiju Grimaldi
koja je i danas na vlasti.

1679. - Francuski istraživač Rober
Kavelije de la Sal (Robert Cavelier
de la Salle) otkrio je vodopade Nija-
gare.

1926. - Abdul Aziz ibn Saud postao je
kralj Hidžaza, a naziv zemlje promije-
njen je u Saudijska Arabija.

1996. - Odlukom Predsjedništva BiH
ukinut je Sedmi korpus Armije BiH.
Jedinice dotadašnjeg Sedmog korpu-
sa preimenovane su i prevedene u or-
ganski sastav Trećeg i Petog korpusa
Armije BiH.

1997. - U Ri-
mu je počelo
zasjedanje
Tribunala o
budućem st-
atusu Brč-
kog. Zaseda-
nje je počelo
iza zatvoren-
ih vrata, a ar-
bitražnim tr-



ibunalom predsjedavao je Roberts Ov-
en. Arbitar u ime Federacije BiH bio
je dr. Čazim Sadiković, a arbitar RS
Vitomir Popović te advokatski timovi
strana u sporu i članovi posmatračkih
delegacija.

1998. - Arapski terorista Remzi
Ahmed Jusuf (Ramzi Ahmed Yousef)
osuđen je na doživotnu robiju kao
organizator podmetanja eksploziva
1993. godine u Svjetski trgovinski
centar u Njujorku, kada je poginulo
šest ljudi.

2002. - Kanadska policija uhapsila je
Srbina Nikolu Kresovića, čije se ime
nalazilo na potjernici Interpol, zb-
og optužbi hrvatskih vlasti za ratne
zločine počinjene u Hrvatskoj 1992.
godine.



U bolnicama očekuju više teško Covid oboljelih

Domovi zdravlja su preopterećeni, može se reći da smo na granici izdržljivosti, poručio je direktor DZ-a Stari grad Mostar

Sa većim brojem novozaraženih koronavirusom u našoj zemlji, očekivati je da će određeni broj imati tešku kliničku sliku te će morati biti hospitaliziran u zdravstvene ustanove. Prema posljednjim izvještajima Zavoda za javno zdravstvo, u Kantonu Sarajevo potvrđeno je 439 novih slučajeva zaraze. Trenutno je na bolničkom liječenju 128 pacijenata, od kojih je 114 sa akutnom infekcijom. Na liječenju u Kliničkom centru Univerziteta u Sarajevu je 79 pacijenata, a u Općoj bolnici "Prim. dr. Abdulah Nakaš" 49.

Liječenje kisikom

U Kantonalnoj bolnici Zenica, kako je za Oslobođenje kazao dr. Kasim Spahić, pomoćnik direktora za medicinske poslove ove ustanove, još nemaju značajno povećan broj Covid oboljelih koji su za bolničko liječenje. Malo se povećao, dodaje, broj Covid pozitivnih pacijenata upućenih na pregled.

- Od hospitaliziranih Covid oboljelih, oko 30 posto ima teški oblik bolesti koji je za liječenje u intenzivnoj njezi, a pola od tih je na respiratoru (35 hospitalizirana, od kojih 12 u in-

tenzivnoj njezi, među njima šest na respiratoru). Svi hospitalizirani trebaju liječenje kisikom, naglašava dr. Spahić, dodajući da su u ovoj medicinskoj ustanovi spremni primiti i veći broj pacijenata u skladu sa kapacitetima prostora i osoblja.

Azra Buljubašić, glavna medicinska sestra Kantonalne bolnice Travnik, u izjavi za Oslobođenje kazala je da u ovoj ustanovi nemaju povećan broj hospitaliziranih.

- Uglavnom osobe koje nisu vakcinisane su Covid pozitivne i na hospitalizaciji su. Ostali pacijenti dolaze redovno na kontrolne preglede. Bilo je osjetno povećano, ali sada je opet u padu i broj novozaraženih i hospitaliziranih, kaže Buljubašić.

U Federaciji BiH prijavljena su 1.043 novozaražena te 12 smrtnih slučajeva. Zbog blagdana iz RS-a i distrikta Brčko nema podataka


Povećan broj novozaraženih Covid-19 u Mostaru doveo je bolnice i domove zdravlja u nezavidan položaj, te su, kako kažu, na izmaku snaga. Zbog novonastale situacije odlučeno je i da se prolongira nastava u osnovnim i srednjim školama prema hrvatskom planu i programu.

- Možemo potvrditi da je broj novozaraženih u posljednje dvije sedmice u izrazitom porastu, s tim što je zadnjih nekoliko dana došlo do eksplozije. Domovi zdravlja su preopterećeni velikim brojem pacijenata koji traže pomoć i kod dijagnostike i terapije, može se kazati da smo na granici izdržljivosti, poručio je direktor Doma zdravlja Stari grad Edin Kapetanović.

Poštivati mjere

Dodaje kako naredni mjesec očekuju porast broja pacijenata i kako su zbog novonastale situacije bili primorani prekinuti sa hladnim programom, odnosno operacijama. Naglašava kako nije nužno pooštrevanje mjera, već treba osigurati da se postojeće poštuju, te da se i građani odazovu na vakcinaciju.

MERIMA BABIĆ I SAMRA TUFEK



Djelatnici Doma zdravlja Stari grad Mostar su neumorni